

正一天師告趙昇口訣

次八

天師告趙大夫曰吾欲告子口訣不忍言昇叩頭千下願見哀憐賜昇一言師曰且止須明年相告至壬午年正月七日中時於雲臺治閉房昇叩頭千下師曰太上有吾吾有汝然官契至要難可具宣道重理妙不可妄傳今九天俱立使六天出治隨世分布三道治正轉亂不能中正三五之氣上三天恚怒無本父母臨正使太上老君絕世更立正一盟威之道太上開化不以吾輕賤小人受吾真法為百鬼主者使開二十四治以應二十四氣置署職錄以化邪俗之人黃老赤籙以修長生吾言大道永畢太上老君前與尹相吾臨孟津河上告吾天有常運大期行交先不治三天清遵父母大神今躬臨正統理三天上治使李君下救萬民吾欲不就事上官命嚴命放六天故氣三官百鬼以大兵大病虎狼蛇虺百毒驅除天下富爾之時枉暴者衆街痛泉壤善惡不分莫不可言天而地盈都停二十四萬人為種

民先得道神仙者不在其例聖人前教三陽比筭南至大江北至北濱東至東夷西至濛泥已逆注十萬人名上太玄紫簿餘十四萬人於三代之中索之遺十二仙乘飛龍官從二十四人十二玉女周旋天下考校州郡里域求清貞慈孝忠信朴實之人以充種民使吾先授職錄化看人情後授黃老赤籙分別善人以補種民仙官周行考求吾所分別善人以補種民大期將盡金馬甲子日既西傾我立不停德應人主先為世相此甲子為斷自此大簿既定不須受籍甲申大水蕩沃穢濁仙官乘龍日不進寸不見種人但見佩黃老職治之人與三官百鬼文墨紛紛更相毀訛濁亂清文多佩籙職自稱真人實術自榮妖惑愚人貪尺帛十錢斗米聚斂人物求目下之安不顧大命將至三官條狀受職跪不恥名曰劫盜之物信義不送亦同其罪中犯不正名曰奸淫三官皆錄為奸盜身入三塗名編黑籍太玄紫簿未得一人吾親在事尚復如此後世當以黃赤相傳以為常事不可

分別太上憐愍百姓愛念善人甚若赤子且上期急促太上求申至壬辰癸巳為料種民應備事急今出太玄九光萬稱生符以簡料真一甄別種人太上教十二仙官遊行天下見有佩吾萬稱九光符者便以種民定數注上太玄玉籙壹無所復問至太平之時聖君自當簡料隨德分教天下億鬼兵將百毒皆衛護種人使至太平之世舉家完全如有毀傷檢校所得即斬今三史之世交爭方與太平在金馬之末年歲高爾世非賢人所處吾不忍先經土戶白日昇天當須神丹便與昇長避世隱居採精石髓玉魂羅珠鳳腦芝英奇異絕殊隨四時能合十日丹成各服刀圭身變五色毛羽立生體融金光太上遣仙官乘鶴鹿來迎昇天翠羽登騎輕翔英稚二生攀龍俱舉趙昇侍從俱至無極之崖青雲之中躍龍踰躡徘徊天路顧呼趙生吾今即位眾事敬積料生別死大運期近不得中還以太平為期汝且還料理治中普告清信男女諸弟子忠貞者大運已促勤以忠信為務勿

正一天師告趙昇口訣 玄和子十二月卦金訣

三二一五九三

貪財色夫天生萬物皆有終始

老子隨時改易皆應大運人生滿百二十要  
當運土戶十鍊九轉名上太玄紫簿者命終  
亦經土戶魂魄即登紫府侍衛聖君須至太  
平之世魂精還其故形白骨更起血氣更流

始經宿昔之間暮卧朝起化示世情當斯之  
時明此符真雖受職治黃老太要紫黃金剛  
不見九光萬稱之符不免三官驅除死沒黃  
泉不得過土戶骨肉及腐魂魄付三官拷楚  
荼毒難言不欲尸解者當合神丹故須九光

萬稱生符不得此符不得名上太玄生簿此  
符如天子有玉璽三公有黃鉞諸侯有印綬  
若有清賢志士死者生時未見此符追授死  
人至太平之世死尸更生與聖君同出吾說

此符口不忍言不忍以付弟子非世所見得  
吾此符但當修行潔己慈孝忠貞精誠自守  
信真任道考官日日門至戶達視看人心若

有厄急懸命漏刻但正心向道祀九光萬稱  
符至專救度人也此際會之恩聖君屈節日  
近所稟未至聖君垂出不復經土戶自然得

壽萬八千歲但聖君當簡料其中各有所在  
爾其是壬辰癸巳前得吾九光萬稱符者皆  
在種人之例壬辰癸巳後受符無復及也眾  
官集紫府仙官還天曹復不得受人也此是  
聖人心口中秘言秘符平常不忍出也今事  
促不得不空囊傾心也遣侍即一人度世玉  
女一人隨此符不慈不孝不忠不貞不誠不  
信之人脫得見吾此符侍即玉女迷塞其心  
不使得受應舍之人神關其心趣得見勤苦  
求請三一有百人萬稱九光有一人三一有  
千人萬稱九光有十人爾形影天下眾靈共  
秘此符故使希見世間不明吾言子看後世  
萬人受道者約無一人得佩此符者今以付  
子是吾極耳子勅後人推擇忠良清貞一心  
者依料盟授千金勿示也三十年吾遣人迎  
汝趙昇稽首再拜銜命奉辭

正一天師告趙昇口訣

玄和子十二月卦金訣

復卦初爻起一陽子時符節轉天罡復卦

者主十一月一陽又初生丹象以十一月  
為初春用事故子時還丹符須順天罡而  
行大也玄和子意月是象日之法高奇妙

手修金鼎清淨齋心奉玉皇十二內禁日  
凡修丹之人乃是玄玄妙手也須潔淨專  
奉如對高真玉皇者也白虎未能全制伏  
青龍從此漸翔翔白虎與青龍俱在鼎中  
白虎金未能制伏青龍龍方得文火漸為  
騰躍之也神仙自古皆同秘誰道還丹別  
有方自古至今神仙皆秘借此道前賢後  
聖亦同此一方法無別理唯丹之名坑  
則不一耳云

臨臨卦分明運赤龍中春特節兩濛濛赤龍  
者為二文生火漸大已是中春節保赤龍  
昇降如雨霖霖董董之迭也海波漸減高  
蓬岳玉戶潛高避隙風簾皆有門門有扇  
開閉以避隙風也配合已知歸敏手變調  
須順有玄功銘永旨先須配合得訣方可

吹九